

TURPETHUM MINERALE.

R. Mercurii vivi purissimi unc. ij.

Indantur retortæ aut cucurbitæ vitreæ, &
adsfundantur

Olei vitrioli unc. viij.

Destillentur in arena usque ad siccitatem, in
fine ignem augendo sat fortiter. Frigefacta
fractaque retorta exinanatur massa salina alba,
atque in mortario lapideo vel vitro in pulve-
rem tenuissimum redigatur, cui adsundatur
aqua pura calida, & pulvis antea albus flave-
bit illico. Pulvis hic aqua pura aliquoties ab-
luatur, tandem exsiccatur, ac servetur.

VINUM CYDONIORUM.

R. Succi Cydoniorum depurati libr. j.

Sacchari albi unc. ij.

Immitte in phialam vitream charta leviter
obturatam, relinque per aliquot dies. Fer-
mentatione dein peracta servetur in vase vi-
treo pleno, superfuso oleo.

Ita quoque fit

(*) VINUM GRANATORUM.

VI-

VITRIOLUM MARTIS.

E. Limaturæ Martis non rubiginosæ q. pl.

Solvatur in sufficiente quantitate olei vitrioli multa aqua diluti, ita tamen, ut aliquid de Limatura superflua restet non solutum. Stet per unum alterumve diem, movendo aliquoties vas. Tunc filtrata solutio vaporet ad cuticulam, reponatur in loco frigido, & nascentur crystalli virides, quæ servandæ. Solutio reliqua eodem modo tractetur, donec nullæ amplius crystalli obtineantur.

(*) Si ex hoc *Vitriolo* in aqua soluto, vel ex ipsa priore *Martis solutione* per additum alcalinum fixum salem excutitur *terra martialis*, hæc denuo exsiccata, ac cum *Oleo Lini* in spissam pultem redacta, leni calcinatur igne, obtinetur pulvis ater, cui nomen *ÆTHIOPS MARTIALIS* impositum fuit.

Est vero hic pulvis nihil aliud quam *Crocus martis* phlogisto pro parte dumtaxat dotatus: parce igitur, nec ea velocitate, qua ferri recenter limati pulvis, a magnete attrahitur, ut vel ideo ferri limaturæ non rubiginosæ pulvis subtilissimus *Æthiopi* huic longe sit præferendus.

Alia

Alia quoque extat methodus *AETHIOPEM MARTIALEM* parandi, juxta quam Limatura Martis sola diuturniore maceratione cum aqua communi, & frequentius repetita agitatione convertitur in pulverem nigrum subtilissimum.

VITRIOLUM VENERIS.

R. Cupri limati part. j.

Cui adfunde in cucurbita vitrea abscissa

Olei Vitrioli optimi part. iv.

In Balneo arenæ evaporet ad fccitatem usque. Refrigeratæ massæ adfundatur aquæ tepidæ sufficiens quantitas, ut massa salina solvatur. Solutio filtre tur, vaporet debite, & reponatur ad crystallisandum. Crystalli cæruleæ serventur. Reliquus liquor ulterius evaporet, &, quousque crystalli concrescunt, ad crystallisationem ut prius reponatur.

VITRUM ANTIMONII.

R. Pulveris Antimonii crudi q. v.

In vase terreo non vitreato sub continua agitatione calcinetur igne lenissimo, ne in grumos confluat, (quod si contigerit, massa de novo pulveranda est) donec in calcem griseam abeat, nec amplius fumet. Hanc calcem immit-

te

te crucibulo tegula plana operiendo, & igne
validiore urge, ut in massam æquabilem fluat,
quam tunc in marmor politum, & calefactum
effunde, ubi in vitrum concrebet diaphanum,
hyacinthini coloris, quod servandum.

UNGUENTUM ÆGYPTIACUM.

℞. Viridis Æris libr. β.
Mellis unc. xvij.
Aceti fortis unc. vijj.
Coquantur sub continua agitatione in con-
fistentiam Unguenti.

UNGUENTUM ALBUM SIMPLEX.

℞. Cerussæ albæ libr. iij.
Axungiæ Porci libr. vj.
Coque sub agitatione continua & modica
subinde aceti instillatione in Unguenti consi-
stentiam.

Cujus singulis libris si admiscueris
Camphoræ unc. β.
habebis

UNGUENTUM ALBUM

CAMPHORATUM.

UN-